

audivi vocem quarti animalis dicentis: Veni, & vide.

8. Et ecce equus pallidus: & qui sedebat super eum, nomen illi Mors, & infernus sequebatur eum, & data est illi potestas super quatuor partes terrae, interficere gladio, fame, & morte, & bestiis terrae.

9. Et cum aperuisset sigillum quintum: vidi subtus altare animas interfectorum propter verbum Dei, & propter testimonium, quod habebant,

10. & clamabant voce magna, dicentes: Usquequo Domine, (sanctus, & verus) non iudicas, & non vindicas sanguinem nostrum de iis, qui habitant in terra?

11. Et datae sunt illis singulae stolae albae: & dictum est illis ut requiescerent adhuc tempus modicum donec compleantur conservi eorum, & fratres eorum, qui interficiendi sunt sicut & illi.

12. Et vidi cum aperuisset sigillum sextum: & ecce terramotus magnus factus est, & sol factus est niger tamquam fuscus cili-cinus: & luna tota facta est sicut sanguis:

13. & stellae de caelo ceciderunt super terram, sicut ficus emittit grossos suos cum a vento magno movetur.

14. & caelum recessit sicut liber involutus: & omnis mons, & insulae de locis suis motae sunt:

15. & reges terrae, & principes, & tribuni, & divites, & fortes, & omnis servus, & liber absconderunt se in speluncis, & in petris montium:

* *Isai. 2.*
19.
* *Osee 10. 8.*
* *Luc. 23.*
30.
16. & dicunt montibus, & petris: * Cadite super nos, & abscondite nos a facie sedentis super thronum, & ab ira Agni:
17. quoniam venit dies magnus irae ipsorum: & quis poterit stare?

CAPUT VII.

Ex singulis tribubus signantur duodecim millia electorum. Post haec Ioannes vidit innumerabilem multitudinem e Gentibus laudantium Deum.

1. **P**ost haec vidi quatuor Angelos stantes super quatuor angulos terrae, tenentes quatuor ventos terrae ne flarent super terram, neque super mare, neque in ullam arborem.

† IN FE-
STO OM-
N I U M
SANCT.
2. Et vidi alterum Angelum ascendentem ab ortu solis, habentem signum Dei vivi: & clamavit voce magna quatuor Angelis, quibus datum est nocere terrae, & mari,

3. dicens: Nolite nocere terrae, & mari, neque arboribus, quoad usque signemus servos Dei nostri in frontibus eorum.

4. Et audivi numerum signatorum, centum quadraginta quatuor millia signati, ex omni tribu filiorum Israel.

5. Ex tribu Iuda duodecim millia signati: Ex tribu Ruben duodecim millia signati: Ex tribu Gad duodecim millia signati:

6. Ex tribu Afer duodecim millia signati: Ex tribu Nephthali duodecim millia signati: Ex tribu Manasse duodecim millia signati:

7. Ex tribu Simeon duodecim millia signati: Ex tribu Levi duodecim millia signati: Ex tribu Issachar duodecim millia signati:

8. Ex tribu Zabulon duodecim millia signati: Ex tribu Ioseph duodecim millia signati: Ex tribu Benjamin duodecim millia signati.

9. Post haec vidi turbam magnam, quam dinumerare nemo poterat ex omnibus gentibus, & tribubus, & populis, & linguis: stantes ante thronum, & in conspectu Agni, amicti stolis albis, & palmae in manibus eorum:

10. & clamabant voce magna dicentes: Salus Deo nostro, qui sedet super thronum, & Agno.

11. Et omnes Angeli stabant in circuitu throni, & seniorum, & quatuor animalium: & ceciderunt in conspectu throni in facies suas, & adoraverunt Deum,

12. dicentes, Amen. Benedictio, & claritas, & sapientia, & gratiarum actio, honor, & virtus, & fortitudo Deo nostro in saecula saeculorum, Amen.

13. Et respondit unus de senioribus, † DE PL.
& dixit mihi: Hi, qui amicti sunt stolis MART.
albis, qui sunt? & unde venerunt?

14. Et dixi illi: Domine mi, tu scis. Et dixit mihi: Hi sunt, qui venerunt de tribulatione magna, & laverunt stolas suas, & dealbaverunt eas in sanguine Agni.

15. Ideo sunt ante thronum Dei, & serviunt ei die ac nocte in templo eius: & qui sedet in throno, habitabit super illos:

16. * non esurient, neque sitient amplius, nec cadet super illos sol, neque ul-
* *Isai. 49.*
10.
lus aestus:

17. quoniam Agnus, qui in medio throni est, reget illos, & deducet eos ad vitae fontes aquarum, * & absterget Deus
* *Isai. 25.*
8.
omnem lacrymam ab oculis eorum. CA-
* *Infr. 21. 4.*

CAPUT VIII.

Sigillum septimum reseratur, & exeunt septem Angeli cum tubis, quarum sonos plaga singula excipiunt.

1. **E**T cum aperuisset sigillum septimum, factum est silentium in caelo, quasi media hora.

2. Et vidi septem Angelos stantes in conspectu Dei: & datae sunt illis septem tubae.

3. Et alius Angelus venit, & stetit ante altare habens thuribulum aureum: & data sunt illi incensa multa, ut daret de orationibus sanctorum omnium super altare aureum, quod est ante thronum Dei.

4. Et ascendit fumus incensorum de orationibus sanctorum de manu Angeli coram Deo.

5. Et accepit Angelus thuribulum, & implevit illud de igne altaris, & misit in terram, & facta sunt tonitrua, & voces, & fulgura, & terramotus magnus.

6. Et septem Angeli, qui habebant septem tubas, praeparaverunt se ut tubae canerent.

7. Et primus Angelus tubae cecinit, & facta est granda, & ignis, mista in sanguine, & missum est in terram, & tertia pars terrae combusta est, & tertia pars arborum concremata est, & omne foenum viride combustum est.

8. Et secundus Angelus tubae cecinit: & tamquam mons magnus igne ardens missus est in mare, & facta est tertia pars maris sanguis,

9. & mortua est tertia pars creaturae eorum, quae habebant animas in mari, & tertia pars navium interiit.

10. Et tertius Angelus tubae cecinit: & cecidit de caelo stella magna, ardens tamquam facula, & cecidit in tertiam partem fluminum, & in fontes aquarum:

11. & nomen stellae dicitur Absinthium; & facta est tertia pars aquarum in absinthium: & multi hominum mortui sunt de aquis, quia amarae factae sunt.

12. Et quartus Angelus tubae cecinit: & percussa est tertia pars solis, & tertia pars lunae, & tertia pars stellarum, ita ut obscuraretur tertia pars eorum, & diei non luceret pars tertia, & noctis similiter.

13. Et vidi, & audivi vocem unius aquilae volantis per medium caeli, dicentis voce magna: Vae, va, va habitantibus in terra de ceteris vocibus trium Angelorum, qui erant tubae canituri.

CAPUT IX.

Quintus & sextus Angelus tubis insonantes, plagas securas denunciant.

1. **E**T quintus Angelus tubae cecinit: & vidi stellam de caelo cecidisse in terram, & data est ei clavis putei abyssi.

2. Et aperuit puteum abyssi: & ascendit fumus putei, sicut fumus fornacis magnae: & obscuratus est sol, & aer de fumo putei:

3. Et de fumo putei exierunt locustae in terram, & data est illis potestas, sicut habent potestatem scorpiones terrae:

4. & praecipitum est illis ne laderent foenum terrae, neque omne viride, neque omnem arborem: nisi tantum homines, qui non habent signum Dei in frontibus suis.

5. & datum est illis ne occiderent eos: sed ut cruciarent mensibus quinque: & cruciatus eorum, ut cruciatus scorpionum cum percussit hominem.

6. * Et in diebus illis quaerent homines mortem, & non invenient eam: & desiderabunt mori, & fugiet mors ab eis.
* *Isai. 2.*
19.
* *Osee 10. 8.*
* *Luc. 23.*
30.

7. * Et similitudines locustarum, similes equis paratis in praelium: & super capita earum tamquam coronae similes auro: & facies earum tamquam facies hominum.

8. Et habebant capillos sicut capillos mulierum. Et dentes earum, sicut dentes leonum erant:

9. & habebant loricas sicut loricas ferreas, & vox alarum earum sicut vox curruum equorum multorum currentium in bellum:

10. & habebant caudas similes scorpionum, & aculei erant in caudis earum: & potestas earum nocere hominibus mensibus quinque: & habebant super se

11. regem angelum abyssi, cui nomen Hebraice Abaddon, Graece autem Apollyon, Latine habens nomen Exterminans.

12. Vae unum abiit, & ecce veniunt adhuc duo vae post haec.

13. Et sextus Angelus tubae cecinit: & audivi vocem unam ex quatuor cornibus altaris aurei, quod est ante oculos Dei,

14. dicentem sexto Angelo, qui habebat tubam: Solve quatuor Angelos, qui alligati sunt in flumine magno Euphrate.

15. Et soluti sunt quatuor Angeli, qui parati erant in horam, & diem, & mensem, & annum: ut occiderent tertiam partem hominum.

16. Et numerus equester exercitus vicies millies dena millia. Et audivi numerum eorum.

17. Et ita vidi equos in visione: & qui sedebant super eos, habebant loricas igneas, & hyacinthinas, & sulphureas, & capita equorum erant tamquam capita leonum: & de ore eorum procedit ignis, & fumus, & sulphur.

18. Et ab his tribus plagis occisa est tertia pars hominum de igne, & de fumo, & sulphure, quae procedebant de ore ipsorum.

19. Potestas enim equorum in ore eorum est, & in caudis eorum. nam caudae eorum similes serpentibus, habentes capita: & in his nocent.

20. Et ceteri homines, qui non sunt occisi in his plagis, neque poenitentiam egerunt de operibus manuum suarum, ut non adorarent daemonia, & simulacra aurea, & argentea, & aerea, & lapidea, & lignea, quae neque videre possunt, neque audire, neque ambulare,

21. & non egerunt poenitentiam ab homicidiis suis, neque a veneficiis suis, neque a fornicatione sua, neque a furtis suis.

CAPUT X.

Videt Ioannes Angelum, qui pedem dextrum ponit in mari, sinistram in terra; sequuntur tonitrua: tum Ioannes librum datum ab Angelo iubetur devorare.

1. ET vidi alium Angelum fortem descendentem de caelo amictum nube, & iris in capite eius, & facies eius erat ut sol, & pedes eius tamquam columbae ignis:

2. & habebat in manu sua libellum apertum: & posuit pedem suum dextrum super mare, sinistram autem super terram:

3. & clamavit voce magna, quemadmodum cum leo rugit. Et cum clamasset, locuta sunt septem tonitrua voces suas.

4. Et cum locuta fuissent septem tonitrua voces suas, ego scripturus eram: & audivi vocem de caelo dicentem mihi: Signa quae locuta sunt septem tonitrua: & noli ea scribere.

* Dan. 12.
7.

5. Et angelus, quem vidi stantem super mare, & super terram, levavit manum suam ad caelum:

6. & iuravit per viventem in saecula saeculorum, qui creavit caelum, & ea quae in eo sunt: & terram, & ea quae in ea sunt: & mare, & ea quae in eo sunt: Quia tempus non erit amplius:

7. sed in diebus vocis septimi angeli, cum ceperit tuba canere, consummabitur mysterium Dei, sicut evangelizavit per servos suos Prophetas.

8. Et audivi vocem de caelo iterum loquentem mecum, & dicentem: Vade, & accipe librum apertum de manu angeli stantis super mare, & super terram.

9. Et abiit ad angelum, dicens ei, ut daret mihi librum. Et dixit mihi: * Accipe librum, & devora illum: & faciet amaricari ventrem tuum, sed in ore tuo erit dulce tamquam mel. * Ezech. 3. 1. & 3.

10. Et accépi librum de manu angeli, & devoravi illum: & erat in ore meo tamquam mel dulce, & cum devorassem eum, amaricatus est venter meus:

11. & dixit mihi: Opórtet te iterum prophetare Géntibus, & pópulis, & linguis, & régibus multis.

CAPUT XI.

Ioannes iubetur metiri templum. Duobus testibus potestas datur terram variis plagis percutiendi: occisi reviviscunt. Tuba canit septimus Angelus; Christi regnum. Canticum 24. seniorum.

1. ET datus est mihi calamus similis virgae, & dictum est mihi: Surge, & metire templum Dei, & altare, & adorantes in eo.

2. atrium autem, quod est foris templum, eijce foras, & ne metiaris illud: quoniam datum est Géntibus, & civitatem sanctam calcabant mensibus quadraginta duobus:

3. & dabo duobus testibus meis, & prophetabunt diebus mille ducéntis sexaginta, amicti faccis.

4. Hi sunt duae olivae, & duo candelabra in conspectu Domini terrae stantes.

5. Et si quis voluerit eos nocere, ignis exiet de ore eorum, & devorabit inimicos eorum: & si quis voluerit eos laedere, sic oportet eum occidi.

6. Hi habent potestatem claudendi caelum, ne pluat diebus prophetiae ipsorum: & potestatem habent super aquas convertendi eas in sanguinem, & percutere terram omni plaga quotiescumque voluerint.

7. Et cum finiérint testimonium suum, bestia, quae ascendit de abyso, faciet adversum eos bellum, & vincet illos, & occidet eos.

8. Et corpora eorum iacebunt in plateis civitatis magnae, quae vocatur spiritaliter Sódoma, & Aegyptus, ubi & Dominus eorum crucifixus est.

9. Et videbunt de tribubus, & pópulis, & linguis, & Géntibus corpora eorum per tres dies, & dimidium: & corpora

có-

eorum non sinent poni in monumentis.

10. & inhabitantes terram gaudebunt super illos, & iucundabuntur: & munera mittent invicem, quoniam hi duo prophetae cruciaverunt eos, qui habitabant super terram.

11. Et post dies tres, & dimidium, spiritus vitae à Deo intravit in eos. Et steterunt super pedes suos, & timor magnus cecidit super eos, qui viderunt eos.

12. Et audiverunt vocem magnam de caelo, dicentem eis: Ascendite huc. Et ascenderunt in caelum in nube: & viderunt illos inimici eorum.

13. Et in illa hora factus est terramotus magnus, & decima pars civitatis cecidit: & occisa sunt in terramotu nomina hominum septem millia: & reliqui in timorem sunt missi, & dederunt gloriam Deo caeli.

14. Vae secundum abiit: & ecce vae tertium veniet citò.

15. Et septimus angelus tuba cecinit: & factae sunt voces magnae in caelo dicentes: Factum est regnum huius mundi, Domini nostri & Christi eius, & regnabit in saecula saeculorum: Amen.

16. Et viginti quatuor seniores, qui in conspectu Dei sedent in sedibus suis, ceciderunt in facies suas, & adoraverunt Deum, dicentes:

17. Grátias ágimus tibi Domine Deus omnipotens, qui es, & qui eras, & qui venturus es: quia accepisti virtutem tuam magnam, & regnasti.

18. Et iratae sunt Gentes, & advenit ira tua, & tempus mortuorum iudicari, & reddere mercedem servis tuis Prophetis, & sanctis, & timéntibus nomen tuum pusillis, & magnis, & exterminandi eos, qui corrupérunt terram.

19. Et apertum est templum Dei in caelo: & visa est arca testamenti eius in templo eius, & facta sunt fulgura, & voces, & terramotus, & grando magna.

CAPUT XII.

Bonorum Angelorum adversus malos pugna; draco è caelo in terram deiectus; mulierem persequitur.

1. ET signum magnum apparuit in caelo: Mulier amicta sole, & luna sub pedibus eius, & in capite eius corona stellarum duodecim:

2. & in útero habens, clamabat parturiens, & cruciabat ut pariat.

3. Et visum est aliud signum in caelo: & ecce draco magnus rufus habens capita

septem, & cornua decem: & in capitibus eius diademata septem,

4. & cauda eius trahébat tertiam partem stellarum caeli, & misit eas in terram, & draco stetit ante mulierem, quae erat paritura: ut cum peperisset, filium eius devoraret.

5. Et peperit filium masculum, qui recturus erat omnes Gentes in virga ferrea: & raptus est filius eius ad Deum, & ad thronum eius,

6. & mulier fugit in solitudinem ubi habebat locum paratum à Deo, ut ibi pascant eam diebus mille ducéntis sexaginta.

7. Et factum est praelium magnum in caelo: Michael, & angeli eius praeliabantur cum dracòne, & draco pugnábat, & angeli eius:

8. & non valuerunt, neque locus inventus est eorum amplius in caelo.

9. Et proiectus est draco ille magnus, serpens antiquus, qui vocatur diabolus, & satanas, qui seducit univérsum orbem: & proiectus est in terram, & angeli eius cum illo missi sunt.

10. Et audivi vocem magnam in caelo dicentem: Nunc facta est salus, & virtus, & regnum Dei nostri, & potestas Christi eius: quia proiectus est accusator fratrum nostrorum, qui accusabat illos ante conspectum Dei nostri die ac nocte.

11. Et ipsi vicerunt eum propter sanguinem Agni, & propter verbum testimonij sui, & non dilexerunt animas suas usque ad mortem.

12. propterea latamini caeli, & qui habitatis in eis. Vae terrae, & mari, quia descendit diabolus ad vos, habens iram magnam, sciens quoddam modicum tempus habet.

13. Et postquam vidit draco quod proiectus esset in terram, persecutus est mulierem, quae peperit masculum:

14. & datae sunt mulieri alae duae aquilae magnae ut volaret in desertum in locum suum, ubi alitur per tempus & tempora, & dimidium temporis à facie serpentis.

15. Et misit serpens ex ore suo post mulierem, aquam tamquam flumen, ut eam faceret trahi à flumine.

16. Et adiuvit terra mulierem, & aperuit terra os suum, & absorbit flumen, quod misit draco de ore suo.

17. Et iratus est draco in mulierem: & abiit facere praelium cum reliquis de semine eius, qui custodiunt mandata Dei, & habent testimonium Iesu Christi.

18. Et stetit supra arenam maris.

CA-